


El a pidi pa involucra nos hobennan den e aspecto aki di nos cultura

Minister Otmar Oduber a celebra comienzo di Aruba su Carnaval 60



ORANJESTAD (AAN): Di-aluna mainta a tuma lugar e apertura di Carnaval 60 na Cas di Cultura y Minister di Cultura Otmar Oduber tabata presente pa celebra e momento historico aki, pa kende tabata un honor pa tey den nomber di Gobierno.

Minister Oduber, como un Carnavalista di curazon, e ta mira e importancia cu Carnaval tin pa nos Cultura y sigur pa economia di Aruba, mirando cu ta trata aki di un di e actividadnan di mas grandi pa nos economia cu nos conoce.

Como mandatario el a pidi un atencion special di comercio den su totalidad pa duna su sosten necesario no solamente na Sichtung Arubaanse Carnaval (S.A.C.) pero na e gruponan, e participantenan y na tur esnan cu ta forma y traha pa Carnaval aki na Aruba.

Redordando e trabao grandi cu a worde haci pa nos Carnaval, el a menciona cu pa casualidad di bida su omo/padrino Sr. Gustavo "Dolfi" Oduber

tabata e promer Presidente di e comision cu a worde lanta na aña 1955 y cu despues den añanan siguiente a converti su mes den S.A.C. Awor e mes ta para como Minister celebrando e inicio di e di 60 aña di Aruba su Carnaval.

E mandatario ta kere cu e combinacion cu tin awe entre cultura y turismo, ta trece un adelanto no solamente pa nos turismo, pero tambe pa nos cultura, pa Carnaval di Aruba. "Pesey awe e compromiso tey pa Gobierno di Aruba percursa tambe pa duna e sosten necesario na nos Carnaval pa di e forma ey sigui pushe den halto, hibe mas aleu di nos fronteranan y pa nos por haci nos Carnaval grandi".

Minister Oduber a felicita S.A.C. y tur e otro sichtung of gruponan, pa e trabao grandi cu a worde haci.

E mainta aki e mandatario tabatin e honor di ta padrino di bautismo di e Jingle di nos Carnaval 60. Su produccion tabata den man di Ruben Garcia, Antoni Gario, Blacky, y RBC Bank cu a sponsor e jingle.

Minister Otmar Oduber kier desea Stichting Arubaanse Carnaval (SAC) hopi forza y energia pa nos celebra nos Carnaval di diamante en grande y a finaliza cu e siguiente mensahe "Ban duna tempo na nos hobennan, involucranan den e aspecto asina bunita di nos cultura cu ta Carnaval y tur e otro actividadnan di cultura, pasobra Carnaval su futuro ta den man di nos hobennan".



© Otmar E. Oduber



© Otmar E. Odu